



Broj: 01-59/13
Vareš, 28.02. 2013. godine

Na osnovu člana 2.12. Izbornog Zakona BiH („ Službeni glasnik BiH“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), te člana 22. tačka 24. Statuta Općine Vareš-Prečišćeni tekst broj: 01-162/12 od 11.09.2012. godine i Uputstva o utvrđivanju kvalifikacija, broja i imenovanja članova izborne komisije osnovne izborne jedinice u Bosni i Hercegovini („ Službeni glasnik BiH“, broj: 9/10, 37/10 i 65/11), Općinsko vijeće Vareš na 5. sjednici održanoj 28.02. 2013. godine, d o n o s i

O D L U K U
o raspisivanju javnog oglasa za imenovanje člana
Općinske izborne komisije Vareš

Član 1.

Raspisuje se javni oglas za imenovanje člana Općinske izborne komisije Vareš.

Član 2.

Javni oglas, iz predhodnog člana, objaviti najmanje u jednom sredstvu javnog informisanja koji izlazi na području Bosne i Hercegovine, na web stranici Općine Vareš i na oglasnoj tabli Općine Vareš.

Član 3.

Postupak javnog oglasa provest će Komisija za izbor i imenovanja, u skladu sa odredbama Izbornog Zakona BiH i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Član 4.

Komisija će najkasnije u roku od 7 dana od dana zaključenja javnog oglasa utvrditi listu kandidata za člana Općinske izborne komisije i istu dostaviti Općinskom vijeću Vareš.

Član 5.

Sastavni dio ove Odluke je javni oglas koji će se objaviti u skladu sa članom 2. ove Odluke.

Član 6.

Odluka stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

Zdravko Marošević

OBRAZLOŽENJE

Pravni osnov:

Sadržan je u članu 2.12. Izbornog Zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), te u članu 22. tačka 24. Statuta Općine Vareš-Prečišćeni tekst, broj: 01-162/12 od 11.09.2012. godine i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 65/11), Općinsko vijeće donosi odluku o objavljivanju javnog oglasa za imenovanje člana Općinske izborne komisije i imenuje komisiju za provođenje postupka po javnom oglasu.

Razlozi za donošenje Odluke:

Davanjem saglasnosti na imenovanje Maje Ajanović za člana Općinske izborne komisije od strane Centralne izborne komisije BiH (akt broj: 01-07-1-456/06. od 24.03.2006. godine) i protekom od 7 godina od date saglasnosti, članu OIK ističe mandat 24.03.2013. godine.

S tim u vezi s Izbornim Zakonom BiH i Uputstvom o utvrđivanju kvalifikacija, broja i imenovanja članova općinske izborne komisije, Izborne komisije grada Banja Luke, Izborne komisije Grada Mostara i Izborne komisije Brčko Distrikta BiH neophodno je donijeti Odluku o raspisivanju javnog oglasa za imenovanje člana OIK-a Vareš.

Članom 7. naprijed navedenog Uputstva propisano je slijedeće:

„c) po zatvaranju javnog oglasa komisija za provođenje postupka po javnom oglasu podnosi pisani izvještaj nadležnom organu u kojem navodi sve relevantne podatke za svaku osobu koja je podnijela zahtjev po javnom oglasu. U navedenom izvještaju komisija vrši klasifikaciju kandidata na one koji ispunjavaju uvjete tražene javnim oglasom i na one koji ne ispunjavaju uvjete. Sa kandidatima koji ispunjavaju uvjete javnog oglasa komisija obavlja intervju, nakon čega sačinjava rang-listu sa redoslijedom kandidata prema uspjehu postignutom na intervjuu i istu dostavlja nadležnom organu;

d) nadležni organ, cijeneći položaj kandidata na rang-listi iz tačke c) ovog člana, donosi odluku o imenovanju člana izborne komisije“.

S obzirom da je donošenje ove odluke vezano za provođenje odredbi Izbornog zakona i podzakonskih akata, predlažemo da se ista razmatra u formi prijedloga i ista usvoji u predloženom tekstu.

Stručna služba Općinskog vijeća
i Općinskog načelnika



Broj: 01-60/13
Vareš, 28.02. 2013. godine

Na osnovu člana 2.12. Izbornog Zakona BiH („Službeni glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 65/11) te člana 1. Odluke o raspisivanju javnog oglasa za imenovanje člana Općinske izborne komisije Vareš, broj: 01-59/13 od 28.02.2013. godine, Općinsko vijeće Vareš na 5. sjednici održanoj 28.02.2013. godine, r a s p i s u j e

JAVNI OGLAS

za imenovanje člana Općinske izborne komisije Vareš

1. Raspisuje se javni oglas za imenovanje člana Općinske izborne komisije Vareš.

Člana Općinske izborne komisije Vareš imenuje Općinsko vijeće Vareš, uz saglasnost Centralne izborne komisije Bosne i Hercegovine na period od 7 (sedam) godina.

2. Pravo na prijave imaju svi kandidati koji ispunjavaju uvjete propisane Izbornim zakonom BiH i podzakonskim aktima, a kako slijedi:

a) za člana Općinske izborne komisije ne može biti imenovana osoba (član 2.3.IZ BiH):

- koja se ne može kandidovati u smislu odredbi člana 1.6., 1.7. i 1.7a. Izbornog zakona BiH;
- koja je član najvišeg izvršno-političkog organa, političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4. ovog Zakona, koja je kandidat za izbore za bilo koji nivo vlasti;
- kojoj je izrečena kazna za težu povredu Izbornoga zakona ili propisa za koje je lično odgovorna, u posljednje četiri godine računajući od dana pravosnažnosti odluke.

b) Osoba koja se kandiduje za člana Općinske izborne komisije mora ispunjavati sljedeće opće i posebne uslove propisane Izbornim zakonom i podzakonskim aktima:

- Da ima pravo glasa;
- Da ima prebivalište u općini;
- Da ima završen pravni fakultet, odnosno VII/1 stepen stručne spreme društvenog smjera ili završenu višu školu odnosno VI/1 stepen stručne spreme društvenog smjera

- Da posjeduje iskustvo u provedbi izbora (članstvo u izbornoj komisiji, članstvo u biračkom odboru, rad u stručnim organima koji su pružali pomoći u provođenju izbora, objavljivanje stručnih i naučnih radova iz oblasti izbora.

Izuzetno od odredbi alineje četiri općih i posebnih uslova član izborne komisije može biti osoba koja ima završen pravni fakultet, odnosno VII/1 stepen stručne spreme.

3. Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

U sastavu općinske izborne komisije nastojat će se osigurati da broj članova manjeg zastupljenog spola bude najmanje 1/3 od ukupnog broja članova.

4. Uz prijavu na Javni oglas potrebno je dostaviti sljedeću dokumentaciju:

- kraću biografiju sa ličnim podacima kandidata (ime i prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
- ovjerenu kopiju diplome o završenom stepenu i vrsti stručne spreme;
- dokaz o izbornom iskustvu za kandidata (potvrda općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima iskustvo;
- svojeručno potpisana i od nadležnog organa ovjerena izjava o nacionalnoj pripadnosti;
- svojeručno potpisana i od nadležnih organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke) i
- uvjerenje o prebivalištu izdato od strane CIPS-a.

Krajnji rok za podnošenje prijave je 8 (osam) dana od dana objave Javnog oglasa.

Po zatvaranju Javnog oglasa, Komisija za izbor i imenovanja Općinskog vijeća izvršit će klasifikaciju kandidata.

Sa kandidatima koji ispunjavanju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu.

Nepotpune i neblagovremene prijave neće biti uzete u razmatranje.

Prijave za Javni oglas dostaviti u zatvorenoj koverti sa naznakom:

**„JAVNI OGLAS ZA IMENOVANJE ČLANA
OPĆINSKE IZBORNE KOMISIJE-NE OTVARAJ“**

na sljedeću adresu:

**KOMISIJA ZA IZBOR I IMENOVANJA
OPĆINSKOG VIJEĆA VAREŠ
Ulica: Zvijezda br. 34
71330 VAREŠ**

**PREDSJEDAVAJUĆI
OPĆINSKOG VIJEĆA**

Zdravko Marošević

